

南巡盛典

程塗

卷八十九之卷九十二

984
1.1.79
35



74
門
卷



南巡盛典

程塗

臣聞天子家天下乘輿攸行稱曰行在所馬
端臨謂出必有期行必有方古帝王觀省風
俗車駕之所臨舟楫之所屆東西南朔道里
可考而知也

聖天子時巡南國阜成兆民

崇恩誕敷元化滋液而

羽葆經行之道帆檣利涉之川由西隸而由東而

江南而浙江其間計里置頓並率由

祖制而

至尊復疇咨而軫念焉不以遠道為勞而以擇使
為準蓋蕩蕩平平無在非與民休息之意其

間

尚膳有定所掌舍有常經肅肅習習行所無事

蓋惟

當宁諮諏臣工營度必審夫於地為宜於民為順
於用為節者慎重周詳以垂萬年不易之典

古者吉行日五十里用是

和門帳殿盈縮以此為準逮烝徒既楫而後則

風鳥徐轉瀆祇效靈一日可數百里而水行

約倍於陸行以恤勞也

皇上乃刻玉而觀

垂衣而問衢歌巷舞並達

宸聰雞犬耕桑亦邀

乙覽官吏恪恭而簇

仗童叟歡呼而載塗倚歎

帝座通於呼吸萬物鼓而無憂矣而
布德和令復慶賞而勸相之則

天步親履之地尤爲

天膏霑渥之地凡山趾水湄以及通闡帶闡寧不

星土緬

和鸞而益思

濡露也哉爰繪圖附說謹錄程塗第十爲卷五

南巡盛典卷八十九

程塗

乾隆十四年十一月十九日奉

上諭準泰所奏東省至江南陸路二道其自泰安
至紅花埠一路較之兗郡至韓莊閘稍遠似應
從中路行但

聖祖仁皇帝時多由東路或中路雖稍近不如東路
之便亦未可定著傳諭準泰令其卽速會同江
南督撫等詳悉商酌將兩路應行之處速行繪

圖定議請旨候朕指示著令嚮導前往閱看欽此

乾隆十五年三月二十六日奉

上諭據嚮導大臣努三兆惠奏稱由杭州府渡江至紹興禹陵南鎮一路河道窄狹僅容小船經過石橋四十餘座須拆毀過半旱地安設營盤地氣甚屬潮濕等語朕初次南巡禹陵近在百餘里以內不躬親展奠無以申崇仰先聖之素心嚮導及地方官拘泥而不知權宜辦理之道颺颺以水道不容巨艦旱地難立營盤爲慮若如所議拆橋數十座即使於回鑾之

南遊盛典 卷八十九
後一一官爲修理其費甚鉅且不免重勞民力
豈朕省方觀民之本意耶朕在宮中及由高梁
橋至金海常御小船寬不過數尺長不過丈餘
平橋皆可徑渡最爲便捷越中河路旣窄日間
乘用俱當駕駛小船石橋槩不必拆毀其原擬
安立營盤二處必須灣岸稍寬可以停泊之地
卽於此處造大船一隻耑備晚間駐宿更不必
於旱地安營旣避潮濕且免隨侍人衆踐踏春
花之患其駐宿大船惟取堅固旣不藉以涉大
川破巨浪一應帆檣篙楫亦不必齊全所費不
過造船工價一二千金過後物料尚可變用較
之拆橋進艇多費周章者相去遠矣著詳悉傳
諭該督撫等令其遵照指示妥協辦理欽此

乾隆二十二年正月十二日內閣奉

上諭嗣後朕所經由石橋石道俱用土墊欽此

前諭朕知泗水山石盡可飲財民土產趁此
算到二十二年五月十二日內閣奉

乾隆二十二年二月二十二日奉

上諭朕回鑾渡黃後由順河集至徐州閱視河工
朕卽自徐州至曲阜展謁

孔林途經泰安登岱拈香本日仍回大營駐蹕可
傳諭鶴年豫行備辦其登山路徑但須畧爲掃
除足供行走卽有窄狹之處或乘馬或用山步
輿卽緩步徐行亦何不可者且

皇太后鑾輿並不登山切不可搭架天橋致多竭蹶
皇太后鑾輿仍由順河集舊路先至靈巖駐蹕可一

併傳諭知之欽此

乾隆二十二年三月初六日嚮導內大臣汪

札爾傳奉

上諭杭州至塘棲大營嘉興至桐鄉大營道里頗
近併站駐蹕又覺稍遠下次著於塘棲桐鄉適
中之地安立營盤欽此

乾隆二十六年十二月十六日奉

上諭據倉場侍郎溫福等奏開歲南巡

皇太后由運河水路回鑾所有北上糧艘酌量迴避

一摺著將原摺抄寄楊錫紱令其查照事理悉心妥議俾河道既無妨碍而糧運亦不致稽延一切善為經理仍先行具摺奏聞欽此

旨回鑾靈巖寺至崗山甚近既潘村尖營修理甚
大著潘村改為大營潘村至陳家莊亦改為大
營李留莊照舊作為大營八十餘里大營止有
一處其餘尖營俱屬均勻著照舊欽此

乾隆二十七年正月二十四日奉

旨回鑾靈巖寺至崗山甚近既潘村尖營修理甚
大著潘村改為大營潘村至陳家莊亦改為大
營李留莊照舊作為大營八十餘里大營止有
一處其餘尖營俱屬均勻著照舊欽此

乾隆二十七年二月初三日奉

上諭據洋海奏通州自北而南船隻應行迴避一
摺所見甚屬紕繆運河南北往來通衢將來
皇太后回鑾時商民船隻遇有支河港汊原可暫行
迴避即無可避之處亦令附泊傍岸不致妨碍
縉道可耳若專為關防起見則

御船舵工水手在外執事者俱不令其迴避何況行
人而先期盡行飭禁可乎洋海人本拘泥全未
通曉事理著傳旨申飭並傳諭倉場侍郎河道

總督等及摺內咨行各該處一切照常放行無得稍有阻攔欽此

乾隆二十七年二月初五日內閣奉

上諭朕巡省江浙所過地方並未禁止行旅將來旋蹕時

皇太后御舟由水路進京程途尤為穩便昨巡漕給事中洋海乃先期奏請自通州南下船隻悉令迴避所見甚屬紕繆運河為南北通津舟楫往來相望卽屆

聖母御舟經過時旁有支河汊港自可暫行引避設其地別無可避亦第附泊傍岸不致妨礙緯道

足矣若豫事盡行飭禁則自春涉夏爲日頗長以千里長河使行者久羈道路於事理全未通曉已傳旨申飭並傳諭經行各處一切如常放行但江浙二省水程更多有司不能曉事或有似此拘泥辦理者並著各該督撫卽飭知沿河地方官凡商民船隻均行照例行走毋得稍有禁阻將此通諭知之欽此

乾隆二十九年八月二十七日奉

上諭軍機處議奏南巡駐蹕程途內山東德州以下各處向用大城住頓者俱以間站酌添座落數字母庸隨帶兩分大城更番轉替於運費深爲簡省惟江南境內之林家莊魯家莊徐家渡三處俱須大城番替此段道里非遙以中間只少數椽因須隨途多帶兩分大城馱運勞費較之小小結構相去倍蓰著傳諭尹繼善高恒於魯家莊地方酌添行宮或動賞給辦差餘銀或

用高恒所奏淮商等情願修理行宮之項量葺數間程站既屬適均行營倍多便益但不必過於增飾致滋糜費可將此傳諭知之欽此

乾隆二十九年十二月二十日奉

上諭昨據尹繼善等奏稱丹陽一帶河道淺窄若浙省官員俱前赴鎮江接駕誠恐船隻過多未免擁擠除錢陳羣聽其遠接外其餘督撫司道等官俱令於蘇州迎接等語蘇州河道亦不甚寬濶若浙省應行接駕官員俱前赴蘇州則船隻較多仍恐未免擁擠浙省除將軍總督巡撫准其赴蘇迎接然亦不得遠越蘇郡其餘各官俱於本省嘉興交界處所祇候槩不必出境將

此傳諭蘇昌等知之欽此

南巡盛典卷九十

程塗

嚮導統領臣努三兆惠謹

奏臣等欽遵

上諭前往江南指定營尖帶領章京二員嚮導六
 名照例馳驛前往再臣等與總督黃廷桂等
 議定於本月二十日在江南交界紅花埠地
 方會看道路臣等先行查看江南地方由彼
 前往浙江會同該督撫等查看浙江省

皇上行幸並

聖駕親臨之處回來會同山東巡撫直隸總督看

明兩省道路指定營尖具奏俟

命下之日知會該督撫等可也為此謹

奏請

旨乾隆十五年正月初十日奉

旨知道了欽此

嚮導統領臣努三兆惠謹

奏為奏

聞事臣等欽奉

上諭會同總督方觀承黃廷桂喀爾吉善巡撫準

泰署巡撫永貴鹽政吉慶總河高斌張師載

等公同核看

駕幸御道分派營盤中伙由京從趙北口過山東

攏濟南府經由泰安府到江南屬宿遷縣之

運河順河集馬頭旱路一千四百九十里分

爲二十四站由順河集馬頭登舟閱看沿途
所有朱家閘九里崗駱馬湖之引河等處河
工近黃河至徐家渡水路一百五十四里分
爲四站由徐家渡過黃河經由河堤閱看惠
濟閘運河口木龍等處河工閘口至直隸廠
營盤四十二里由直隸廠至高家堰堤三十
三里高家堰地方窄隘不便

駐蹕

回鑾仍

駐蹕直隸廠由直隸廠登舟過淮安府閱看高郵
東地南關車絡壩等處河道堤工攏揚州府
平山堂渡揚子江至金山寺

行宮三百七十七里分爲八站由金山寺至江寧

省城早路一百三十四里分爲兩站

回鑾仍由原路

駐蹕金山寺

行宮由金山寺從鎮江府水路攏惠山秦園至蘇
州府三百二十五里分爲五站由蘇州府攏

嘉興府之烟雨樓至杭州府

行宮三百三十里分爲五站由杭州過錢塘江至
紹興府一百一十五里分爲兩站所往旱路
一千七百五十八里計三十三站水路一千
三百四十六里計十九站共三千一百零四
里計五十二站

回鑾不攏江寧濟南府裁去水旱七站仍剩旱路
一千四百四十二里計二十八站水路一千
二百九十四里計十七站共二千七百三十
六里計四十五站往返共五千八百四十里
分爲九十七站所有分派營盤中伙道路橋
梁皆仰體

聖意籌畫不擾民間墳塋不伐樹木不拆毀房屋
路雖稍覺繞道惟取易於修葺期於公私有
益已經辦理指明交與地方官外今將分派
營盤中伙地名路程里數摺內開列繪圖進
呈再

駐蹕可覽各處營盤中伙亦另繕摺進

呈

御覽俟

命下之日欽遵飭知該督撫預備可也爲此謹

奏乾隆十五年四月二十三日奉

旨此內不走濟南府濟南一站裁去餘俱依議欽此

兩江總督

臣

黃廷桂謹

奏爲請

旨事恭照

大差案內一切營盤道路業經

欽差嚮導臣兆惠努三會同

臣

等勘明具

奏准行在案查原勘自宿遷縣之順河集

聖駕登舟南來係順水三站方抵徐家渡由此渡

黃至直隸廠營盤比及

回鑾則係溯流繚挽河面寬濶風浪靡常恐致遲

緩難行_臣等查水路之外原有陸路隨委淮
徐河道德倫跣勘緣由徐家渡至順河集計
程僅有兩站較之水程少行一站路徑平坦
隨處寬展辦理

蹕道甚易爲力_臣等復加商酌如自順河集登舟
各項隨從船隻出楊家莊口門必須逆水渡
黃拉進清河草壩風順猶費周章風逆則挽
濟更艱且進壩之後又過惠濟三閘層層啟
閉魚貫而下難免擁擠耽延時日_臣等詢之
老民人等僉稱當年

聖

祖南巡隨從各船拉壩過閘五六日後方能畢渡
執事供應人員竟有數日不得船隻者亦覺
未便似應恭請

鑾駕自順河集改由陸路至徐家渡

御輅往回可以節省兩日其間程塗旣近又無溯
流遲緩之處實屬便捷而各項人員均在徐
家渡以下過河此地方處處得岸所在可渡
只須多備渡船臨時官員人等隨到隨渡且

南巡盛典 卷九十一
晚之間即可渡竣至直隸廠其一切需用船隻俱在直隸廠迤南一帶灣泊預備不過量撥夫役損擡各員什物行李入船相距不遠運送頗易伏惟

聖駕駐蹕直隸廠馬頭大營次日臨高家堰閱看河工此一日之內散給各員船隻運送行李物件約計俱可辦就恭候

御舟起行即可依次隨進免致壩閘阻滯互相爭擠似更妥便倘蒙

俞允其直隸廠陸地大營并宿遷縣以下三處水營均請毋庸預備適值

欽差臣兆惠努三到省臣等將以上改由陸路情節詳細告知伊等甚以爲然并稱自浙省查畢回時順道由直隸廠徐家渡順河集一帶早路再行跣看到京面

奏等語合并繕摺恭

奏伏祈

皇上聖訓遵行謹

奏乾隆十五年十月二十一日奉

硃批知道了欽此

閩浙總督 臣 喀爾吉善署浙江巡撫 臣 永貴

謹

奏為奏明辦理情形仰祈

聖鑒事恭照明春

聖駕南巡浙省所有應行預備事宜以及修建工

程經 臣 等先後恭摺奏

聞在案其杭嘉紹三郡

御道經臨沿途應行預備安頓事宜雖經 臣 等先

期派委文武查勘定議其中勘酌情形隨地

南巡盛典 卷九十一
制宜必須面同承辦各官詳悉講求方能佈
置妥協茲臣等面同提臣譚行義暨總理司
道各官詳加商酌查得杭嘉兩郡均屬水鄉
阡陌之間湖蕩港汊縱橫交錯民間往來皆
以泛艇爲便卽有田間小徑亦紆回曲折到
處桑麻礙路自江南交界至杭陸路惟運河
緯道寬僅七八尺直達省會舍此之外並無
陸路可通凡

聖駕駐蹕處所一切應用什物暨各項執事人等
有須由備道馳赴前站預備伺候者水鄉非
北地可比若開闢陸路備道於民間桑麻田
園必多挖廢卽酌給工本亦於民業有碍殊
非仰體我

皇上省方觀民行所無事之至意今臣等飭令地
方官自江省交界至杭城勘定水路副河一
道相離運河遠近不等總不出數里內外雖
港路橋梁間有卑矮窄小之處小舟儘可過
行

御用什物以及執事人等均由副河前進似覺簡便其沿途馬匹既無陸路備道毋庸多爲預備又

御道兩旁俱應安兵站圍以昭

警蹕之義今浙省運河惟上塘緯路寬有七八尺可容站圍兵丁下塘則桑園田墪竟有無可站立之處臣等復查勘運河兩岸支河汊港四通八達

御舟經臨時無知愚民撐駕小舟從支河闖入

御道殊失敬慎之意今酌定於兩岸之內凡支河汊港橋頭村口各安卡兵二三名臨時禁遏人舟往來上塘緯道每里安設站圍兵丁三名下塘酌量安設圍兵如無路徑之處不復安兵站圍其兩岸有村鎮居民處所許令男婦老幼跪伏瞻仰仍分派官兵在彼稽查約束耆民老婦欲瞻仰

天顏與紳衿生監應叩迎

聖駕者皆擇空曠處所令官兵率領排列跪伏以

百通原典 卷九十一
肅體制至

聖駕幸浙之時正東作方殷之候且杭嘉一帶蠶事將舉沿途有須耕耘灌溉及採桑之類亦應仰體

皇上首重農桑至意聽民間男婦盡力耕桑惟令官兵曉諭於應迴避時令男子退入村內迴避婦女仍聽其力作至紹郡應備事宜亦經酌量地方情形分別妥辦再三郡士民欣逢翠華南幸羣懷瞻雲就日之誠欲效巷舞衢歌之

事各具呈請於

御道左右或搭綵棚或陳水戲冀抒獻曝微忱以達呼嵩誠悃臣等因其情詞懇切令地方官酌量於河道空曠處所妥當陳設並令勿過於糜費紛雜務使閭閻安靜無擾以仰副我皇上勤恤民依省事務樸之

聖意以上各事宜臣等熟商斟酌現在次第督率妥協辦理謹將辦理情形恭摺具

奏伏祈

聖鑒謹

奏乾隆十五年十一月十三日奉

硃批覽奏俱悉欽此

兩江總督

臣

黃廷桂謹

奏爲奏

聞事竊查自宿遷清河淮安以至揚州鎮江江寧
無錫蘇州各處應需水程繚路并登陸

御道

臣

於十月初旬民間禾稼刈穫已畢派委各

員分頭趕辦其馬頭營盤雖已逐處平治因
無諳練之人恐未合宜值

欽差臣兆惠努三到揚

臣

量治一處與之觀看現

經兆惠努三逐加指示

臣

飭行各處俱遵式

南巡盛典 卷九十一
修整統於十一月底可以竣工至各處近城
地方有兩岸盡係民居並無緯路者_臣上年

雖經

奏明用篙撐駕但行走終恐濡滯今歲復加相

度於民居之外搭造小板緯橋寬止二尺釘

紮堅固前次_臣等恭試

御舟令緯夫由此挽拽通利便捷頗屬適用再查
一切本章文報并

扈從執事及辦差人員往來絡繹江省一線河
道千有餘里既不便梭織穿越而兩岸又逼
窄不寬緯夫之外難容多人應備副路以便
行走_臣令司道飭委各員按照村莊通行小
徑接修副路並不佔礙民田民間有溝渠坑
坎處所或加填平或搭小橋亦無甚費統令
各委員分地親身勘辦不經胥役之手是以
並無擾累合并恭

奏伏祈

皇上睿鑒謹

奏乾隆十五年十一月十八日奉
硃批知道了欽此

嚮導統領臣努三兆惠謹

奏為請

旨事臣欽遵

上諭除直隸東省從前編定營尖停止減設起程
由南苑走趙北口回程自趙北口由涿州經
由之處辦理編定外其總督方觀承在陳家
莊

大營前紅杏園地方備造

皇上駐蹕房間臣等會同前往看得作為

行宮儘足敷用原編陳家莊

大營毋庸設立又據聲稱涿州南

行宮工程

回鑾時即可工竣等語所有

皇上回程涿州北

大營亦應裁去其

尖營均勻編定另摺繪圖并

行宮圖樣一併恭呈

御覽俟

命下之日交與地方官敬謹預備謹

奏乾隆十五年十二月初二日奉

旨知道了欽此

嚮導統領臣努三兆惠謹

奏為請

旨事自南苑前往趙北口有永定河冬令可否搭
蓋橋座之處問據方觀承聲稱此處附近並
無船隻搭蓋橋座難於錠椿等語臣前往看
得永定河寬十二丈有餘並無船隻冰結並
未合槽搭蓋橋座實屬費力現在行人往返
只將船四隻在河中凍連作橋行走若在此
橋鋪設板片預備

皇上經臨尚屬可行但正月十五前後立春冰不

堅固之際車輛馱駝一同行走實屬堪畏

皇上若經由此道其車輛重駝俱令由蘆溝橋行

走在宮家營

大營趙北口地方會齊事屬可行再臣看得自

天壇門起至蘆溝橋道路由

先農壇北轉西行走至教子街廣寧門附近大街

道路不甚遙遠可以行走自

天壇至黃新店

行宮六十五里經由何條道路之處謹

奏請

旨候

命下之日交與地方官修理預備等因乾隆十五

年十二月初二日奉

旨出彰儀門由黃新莊行走欽此

工部謹
 奏為奏明事恭查
 皇上展謁
 陵寢暨
 巡幸直屬等處省方問俗行慶施惠凡一切經由
 道路及營尖地面各該督撫均係委員敬謹
 辦理惟恐差竣報銷承辦之員任意浮冒開
 銷是以臣部於乾隆八年奏准將營盤每座
 准修墊夫一百六十名尖盤每座准修墊夫

陵寢暨

巡幸直屬等處省方問俗行慶施惠凡一切經由
 道路及營尖地面各該督撫均係委員敬謹
 辦理惟恐差竣報銷承辦之員任意浮冒開
 銷是以臣部於乾隆八年奏准將營盤每座
 准修墊夫一百六十名尖盤每座准修墊夫

八十名道路每里准修墊夫三十五名如遇
皇上巡幸一次後修墊舊有營尖道路營盤每座
准夫八十名尖盤每座准夫四十名道路每
里准夫二十五名其應行搭蓋橋座工料及
應用器具什物等項價值均經酌定章程俱
行文直督遵照各在案今臣部屢查各省報
銷冊內平墊營尖道路搭蓋橋座及製備器
具等項用工用料之處與例浮多所報冊內
間有土溝應行培築者亦有高坡應行刨平
者恭遇

駕臨幾次而報銷夫工銀兩與前次有增無減屢
經臣部駁查飭令據實刪減報銷伏思直屬
常經

皇上行幸之區辦理差務歷有年所而差竣報銷
與例不符之處尚種種不一查乾隆十三年
分東省辦差報銷之州縣共十數處內有合
例者准銷過一案其餘州縣屢經駁詰尚未
報銷則今秋

皇上巡幸中州及明春

巡省江浙等省各該州縣並未辦差無例可循將

來造冊報銷更難保無舛錯浮冒之處卽

臣

部按冊查核逐款指駁徒滋案牘紛繁殊非
辦理盡善之道相應請

旨將

臣

部從前擬定修墊營尖道路准給夫工名

數並應行搭蓋橋座工料數目做法及一切

器具等項查明刊刻頒給各該督撫一體遵

循辦理至修墊營尖各盤務擇其寬展平坦

地面飭交各屬敬謹修墊其間或遇地窄低

窪泥濘之處必須修墊者務將修墊處所先

期報部至於道路遇有山嘴石崗必需開鑿

或遇沙塍土坡應加刨挖者亦應先行核實

估報並將製備應用器具等項工料價值各

若干分晰開載如有營尖道路已經修墊過

一次者亦卽於估冊內一併聲明報部統俟

該省報銷時

臣

部逐一查對除開用夫工等

項與估冊相符者按照定例准銷外倘造報

冊內或有以少報多以無作有等弊卽將承辦之員指名題叅以爲浮冒開銷者戒如是則事有成例帑不虛糜而於差務錢糧均有裨益俟

命下之日臣部行文各該督撫一體遵照是否有當伏乞

皇上訓示遵行謹

奏請

旨乾隆十五年十二月十五日奉

旨依議欽此

嚮導統領臣兆惠努三謹

奏爲請

旨事

皇上由黃新莊

行宮啓

鑾自西頂馬頭前往

萬壽山所有趙新店尖營仍行照舊預備外由蘆溝橋直至西頂橋座於適中之地酌量安設尖營一處

皇太后亦由此路行走所有由西頂前往

暢春園道路一并令其預備俟

命下之日轉交地方官遵照辦理謹

奏乾隆十六年四月二十三日奉

旨知道了欽此

工部都水司案呈本部摺奏內開恭照

聖駕巡幸一切供應俱動帑項該地方官報部核

銷_臣部自應仰體

皇仁妥協辦理查直省恭辦

皇上經由一切橋道營尖盤座等項先經_臣部將

辦差工料做法并應需器具什物成例奏明

刊發各省督撫轉飭遵照辦理在案但查地

方官備辦營尖盤座向係嚮導統領指示修

墊間有地方官自行預備如遇

皇上俱經

臨幸事竣之日准其造具實用清冊報部核銷更有嚮導指示預備未經

臨幸及臨時酌改越過於次站

駐蹕者雖地方官已經預備向例不准開銷現據

直屬紛紛請銷業經臣部照例飭駁在案臣

等竊思前項營尖盤座如地方官自行揣摩

預備臨期未經

皇上駐蹕則所備各項臣部無憑稽查其用過銀

皇上駐蹕則所備各項臣部無憑稽查其用過銀

兩自難准銷如所備之處果係遵奉嚮導指

示預備臨期雖未

駐蹕但營尖地面業已辦妥與該地方官自行揣

摩預備者不同若一槩不准開銷恐不肖官

吏因於無可開銷之中轉有藉端累及小民

情弊臣等再四籌畫惟有仰懇

皇上天恩將地方官所備營尖盤座等項如經嚮導統領奏明指辦俱先具文報部臨期或有

未經

駐蹕者亦請照例一體報部核銷庶地方官辦理不致周章卽不肖官吏亦不得浮冒而

皇仁益昭廣大矣臣等未敢擅便伏候

皇上訓示遵行俟

命下之日行文各省督撫及嚮導統領遵照可也
謹

奏乾隆十六年閏五月初四日奉

旨依議欽此

江蘇巡撫臣莊有恭謹

奏爲奏明事准總督倉場侍郎咨明歲

皇上南巡應用

御舟五隻已奏明照例於九月間駕赴宿遷縣停

泊伺候令地方官搭篷苫蓋等因遵查乾隆

十六年春

翠華南幸原議順河集登舟

御船亦議停泊宿遷伺候嗣因黃河以北天時氣候較黃河以南大不相同自十月以至春正

南路年凍阻甚有二月初旬凍尚未解者
又黃河正月下旬正凌汎盛溜之時行舟俱
須預避是以改議

鑾輅由陸路於徐家渡渡黃

御舟駕赴清江祇候在案來歲係有閏之年節候
較遲二月初旬冰凌或未全泮

皇上鑾輅似應照十六年仍由陸路至清江浦登
舟除倉場駕到

御船委員敬謹迎至清江苦葢守護外理合

奏明伏祈

聖鑒謹

奏乾隆二十年十月二十七日奉
硃批是欽此

嚮導統領臣努三謹

奏明歲春間

皇上巡幸南省自順河集至杭州俱由舊日經由

大營

尖營馬頭行文各該省照舊預備修理外再自

山東德州泉林寺至順河集一帶道路

大營

尖營俱未看定請從臣等三個嚮導統領內派

出一人帶領嚮導章京一員護軍校護軍三

名馳驛預行前往詳細查勘指定

大營

尖營處所相應將_臣等三人姓名恭繕綠頭牌

進

呈請

皇上指定一人爲此謹

奏請

旨乾隆二十一年閏九月二十三日奉

旨知道了著派阿岱前往欽此

大學士公_臣傅恒等謹

奏謹查

聖駕南巡江浙_臣等於上年五月內遵

旨傳諭喀爾吉善紹興一處毋庸前往此次_臣等

仍行文該督令其遵照前

旨無庸預備可也謹

奏乾隆二十一年閏九月二十八日奉

旨知道了欽此

嚮導統領臣努三謹

奏臣欽遵

上諭帶領嚮導等由德州走泉林寺編設營尖指
示橋道據山東巡撫愛必達聲稱預備

皇上駐蹕於德州城西南角修造

行宮一所再長清縣屬靈巖寺左邊修造

行宮一所德州

行宮於十二月初十日內完竣靈巖寺

行宮務於十一月初十日內完竣不致有悞等語

南巡盛典 卷九
是以驗看作爲

大營

臣

理宜至順河集回程據江南省道覺羅

永貴知府彭寶聲稱總督尹繼善起程時所言自順河集至徐家渡

皇上駐蹕營尖道路因本年雨水過多尚有積水
運河堤路尚屬高燥俟嚮導等編設營尖來
時爾等將此緣由告稟將營尖道路另行指
示等語 臣 看得間有積水是實除由堤路至
徐家渡指示營尖外自京城至徐家渡營尖
道路程途里數另摺繕圖將德州靈巖寺

行宮圖樣一並進

呈爲此謹具奏

聞乾隆二十一年十一月初九日奉
旨知道了欽此

嚮導統領臣兆惠努三謹

奏

皇上十六年

巡幸江浙自

天壇起程由廣寧門此次出

大清門由廣寧門或由阜成門伏候

命下之日欽遵修理道路謹

奏乾隆二十一年十二月二十八日奉

旨知道了朕由乾清門大清門欽此

南巡盛典卷九十一

程塗

兩江總督

臣

尹繼善謹

奏為遵

旨奏覆事恭照

聖駕南巡江浙水路營盤自江南直隸廠起至杭

州府止共預備

大營十三座茲准部咨嚮導處奏准酌量遠近共

樽去

南巡盛典 卷九十一
大營三個令將指示里數處所可否編作馬頭之處酌定具奏等因奉

旨知道了欽此并錄地名里數粘單及圖樣一紙到臣查江省境內共應預備擇定水

大營八座當卽遴委道府遵照指示處所詳細查勘除直隸厰平橋二處照依嚮導處奏定仍用舊基外其新定之海棠菴地勢寬濶新定之三義閣迤東一百丈地勢寬厰新定之吉慶寺迤南半里之大成圩地方平坦均堪編作

大營至新定之

萬壽亭該處地盤既窄兩岸居民稠密河灣岸陡難以編作營盤查有

萬壽亭迤東三里之政成橋地方堪建

大營又崇家灣北望亭兩處水管雖俱嚮導處奏定仍用舊基但崇家灣地處背溜最易淤墊查有崇家灣迤北七里之夏家莊河面寬濶堪以編作

南巡盛典 卷九十一
大營又北望亭相距現擬安營之政成橋計有九
十七里是日

聖駕臨幸惠山道路稍遠查有北望亭迤北十八
里之十里亭平坦寬濶北至政成橋七十九
里至蘇州七十八里道路亦復適均堪以移
建

大營此係酌擬水路應建之營盤也至於自東省
入江南境旱路

大營嚮導處原未奏請改移臣留心查看內有仰

化集舊營地勢低窪易致積水且與順河集

太近今擬改建於迤南十三里之林家莊以

爲均勻再上屆

皇上回鑾臨幸徐州所定旱道營基係臨時急遽
辦理地勢亦皆低窪擬將張家莊舊營移於
迤東五里之王家莊賀家樓舊營移於迤東
十五里之周家莊營基既皆高爽道里亦復
適均謹將江南通省水旱營盤一併繪圖貼
說開具清單覆奏仰祈

南巡盛典 卷九十一 三
皇上睿鑒訓示再照浙省擢定水營處所接浙撫
臣莊有恭來札以浙閩督臣楊廷璋在京面
奏安設兩處營盤地方與現在嚮導處奏案
未符業已具

奏請

旨遵行合並陳明謹

奏乾隆二十五年六月二十二日奉

硃批甚好知道了欽此

山東巡撫 臣阿爾泰謹

奏爲奏請

聖鑒事恭照明春

翠華南幸營尖橋道理宜敬謹預備 臣接准工部

咨文恭悉嚮導統領奏准自江南直隸廠至

浙江杭州府擢去尖營三座可否編作馬頭

令該督撫等詳看具奏并知照東省等因到

臣臣 伏查乾隆二十二年

聖駕南巡啟鑾經由東省自德州劉智廟至郟城

紅花埠交界計程八百零二里初經嚮導查
看擬分一十五程內德州靈巖泉林備有
座落三處其餘安設大營十二座尖營二十五座
奉

旨樽爲大營九座尖營二十一座

聖駕回鑾經由東省自嶧縣韓莊至德州劉智廟
交界計程七百三十二里初經擬分一十三
程於曲阜靈巖德州三處

座落外安設大營十座尖營十七座奉

旨樽去尖營三座

皇太后回鑾係照起鑾時嚮導所擬程站明春

鑾輅經臨官民望幸臣查勘上屆營尖道路俱係

寬敞平坦鄉民言及安營除道咸覺欣欣色

喜各思踴躍爭先臣謹照乾隆二十二年

聖駕經由路程及所定營尖恭繪

起鑾

回鑾二圖註明道路里數并另開道里清摺恭呈
御覽伏乞

南巡盛典 卷九十一
皇上睿鑒謹

奏乾隆二十五年八月初九日奉

硃批覽欽此

兩江總督臣尹繼善謹

奏為請

旨事乾隆二十五年七月二十六日准辦理軍機
事務處咨開經本處

奏稱臣等遵奉

諭旨會同嚮導自順河集至直隸廠現定
大營四座今改為水營三座由運河行走查對圖
說均可改為三座水營但隨從船隻甚多俱
走運河過天妃閘時地窄必致壅塞若將

皇太后

皇上御舟預備順河集由運河行走隨從船隻仍備在直隸廠卽屬可行但隨從旱營如照依圖說官員兵丁當差似覺稍遠請將隨從旱營在於

皇上駐蹕水營相近安立謹將原圖摺改水營之處恭呈

御覽俟

欽閱指示交與督臣尹繼善如可照依臣等圖內

粘簽改辦卽令其更改設有不能照此改辦之處聲明緣由具奏爲此謹

奏等因乾隆二十五年七月十九日具奏奉旨知道了欽此欽遵並圖咨送前來臣謹查得

皇太后

皇上御舟預備順河集由運河行走道路雖屬便宜但運河兩沿坡岸甚高又有大堤移送圖內簽定

皇上駐蹕水營相近均係偏窄窪下之地並無官

南巡盛典 卷九十一
員兵丁當差近便可安營盤之處且

皇太后

皇上御舟由運河出楊家莊渡黃設遇風信不順
實屬難行轉入清口內河過天妃等三閘湍
溜甚急汎水暴長風信難以預定臣再三細
思

御舟預備順河集由運河行走實有不便仰懇仍

照前

奏圖說由旱路自徐家渡過黃至直隸廠再行

水路爲此謹

奏請

旨乾隆二十五年十月二十九日奉
硃批可知道了欽此

大工部咨准嚮導統領清片內開軍機處抄出

皇上明歲日之間出諭前所

皇上巡幸南省

回鑾自順河集至京編設水旱車情其至京不礙

大營道路查自順河集分營

皇上由旱路自順河集起

鑾至徐州

大營三座自徐州至京

大營二十座共二十三座徐州

駐蹕一二日約計

皇上自順河集起

鑾二十四五日之間即可至京

皇太后自順河集乘船由水路至通州計程二千餘

大里沿途編設

大營約需二十餘座及三十座計其至京不過
後

皇上四五日之間但編設前項

大營若不預行指定地面恐地方官修理預備

不能妥協請於嚮導統領內派委一員帶領

嚮導章京二員即行馳驛前往將編設

大營指交備辦即可於年內回京謹將派委之

處奏

聞乾隆二十六年十一月二十八日奉

旨著努三去欽此

大營許交衛維哨河公羊內回京藉泚地委之
醫藥章京二員哨許銀器前赴泚地
不許交計哨外醫藥許給內泚委一員帶
奏

嚮導統領臣努三謹

奏臣欽奉

上諭由通州至江南順河集編設馬頭大營自通
州之南張家灣起至順河集馬頭大營計程
二千一百八十二里共編設馬頭大營二十
九座自順河集

皇太后經由二十九座大營至第三十日到

圓明園

皇上自順河集分路至徐州由旱路至京大營二

十二座除

駐蹕外二十三日

到 圓明園應將現今編設水路馬頭大營并

皇上經由旱路大營全行彙齊繪圖粘簽進

呈

御覽外自直隸廠至順河集

皇上或渡黃河由旱路於營盤

駐蹕至順河集

行宮分路則自直隸廠至順河集三座馬頭大營

毋庸預備但順河集地方單備

皇太后上船馬頭如渡黃河仍復坐船到順河集則

須用十六年經由過三座馬頭大營相應將

此三座大營亦行入圖再山東省德州馬頭

大營離

行宮亦約有一里

皇太后如進

行宮駐蹕亦單備上船下船馬頭俟

皇上指示之日欽遵行文該地方大臣等預備謹

奏乾隆二十六年十二月二十六日奉
旨知道了自直隸廠至順河集馬頭大營德州馬
頭大營全行預備欽此

兩江總督臣尹繼善謹

奏爲奏明事恭逢

聖駕南巡先於乾隆二十六年十二月內接准部

咨

回鑾至順河集分營

皇太后由水路抵通

皇上至徐州由陸路進京經嚮導努三於江省境
內指定自順河集以北編設水營四座茲於
本年正月十七日復准部咨據嚮導將順河

南巡盛典 卷九十一
集以南乾隆十六年經由水營舊址應否預備之處一體繪入圖內奏奉

諭旨知道了自直隸廠至順河集馬頭大營德州馬頭大營全行預備欽此臣等伏思自直隸廠至順河集既奉

諭旨預備馬頭大營是渡黃至徐家渡以後

皇太后必由水路至順河集
皇上是否同由水路未奉

訓示恭查水陸兩路道里適均若蒙

聖駕回鑾自徐家渡同由水路至順河集似更妥便臣等親詣該處親行查勘現照淮南水營寬深丈尺一體敬謹預備恭候

聖駕

皇太后自徐家渡仍舊乘船至順河集再行分路惟查自直隸廠渡黃經由閘壩船隻提溜而上必須啣尾單行不能迅速所有隨從

皇太后回京各行檔乘坐船隻自應全數渡黃至隨從

南巡盛典 卷九十一
皇上各行檔船隻若槩令濟渡未免稽延時日應
擇緊要執事人員乘舟隨行餘俱仍走陸路
住宿早營統計隨船不過數百隻

皇上駐蹕直隸廠之日酌令隨從之船先行濟渡
次日

聖駕渡黃之後仍請

駐蹕徐家渡早營少為停待

臣

等多派文武大員

催挽船隻日夜遄行不致遲悞再查嚮導所
指徐家渡以北之李家莊尤家灣兩處水營

雖係十六年經由舊址但與今次早營相隔
十三四里恐陸路隨行官員應差不便若卽
於水營屯住沿河地面褊窄難以擴充

臣等

親加察勘有陳家道口中林家莊二處可以
編設水營較之舊日基址雖畧有更移而地
勢更覺平坦相去現在早營只有三四里較
為近便除已派定官員敬謹預備外合將順
河集以南水營編近早營恭請

聖駕自直隸廠同由水路至順河集分營之處

臣

南巡盛典 卷九十一
謹會同撫臣陳宏謀繪圖貼說恭呈
睿鑒謹

奏乾隆二十七年二月初一日奉
硃批甚好知道了欽此

嚮導統領臣努三謹

奏為請

旨事臣帶領蘇州知府李永書知縣介玉濤由香
雪海直到

皇上指示之雷音菴看得所修道路九里內走過
香雪海五里從廣福鎮可由縣河邊行此處
十八河俱入縣河此十八河現今雖俱趕辦
步行橋座似乎不及看得此河向靈巖山來
甚直但有一橋畧窄難容現今帶來二十八

南巡盛典 卷九十一
槩之船據知府李永書聲稱撫臣陳宏謀預備如意船可以行走等語因爲走縣河甚直臣將上船下船二處馬頭俱在圖錄上粘簽進
呈或由旱路行走或由水路行走之處恭候
欽指敬謹預備可也爲此謹

奏請

旨乾隆二十七年二月二十二日奉

旨著在廣福鎮雷音寺預備欽此

嚮導統領臣努三謹

奏爲請

旨事明歲

皇上南巡自京城由旱路至直隸廠由水路至浙
省石門鎮水路馬頭分途前往海寧查看海
塘工程至杭州

行宮

回鑾由水路自金山前往江寧府回程仍由水路
至韓莊閘水馬頭

南巡盛典 卷九十一
皇上由旱路往徐州看工仍由舊路
回鑾至韓莊閘水馬頭上船至德州
皇上由旱路進京

皇太后由水路進京其營尖並臨幸處所俱照二十
七年經由之例預備毋庸另行辦理但此內
前往徐州分途在韓莊閘地方上次駐蹕朱
稽莊水馬頭在韓莊閘這邊十一里應將此
一處水馬頭改移在韓莊閘就近旱路預備
至山東地方如有另行改辦處該省大臣奏
聞應將明歲

南巡所由水陸營尖處所俱照二十七年經由之
例另繕營尖處所里數單圖畫道路通塞粘
簽敬呈

御覽指訓後欽遵行文地方官備辦可也爲此謹
奏乾隆二十九年四月二十四日奉

旨知道了自萬年倉水馬頭往徐州似屬順便著
尹繼善回任之便看明具奏欽此

南巡盛典 卷九十一
陳園共五十九里從陳園丈量至杭州府
行宮八十三里相應將大營尖營馬頭地方里數
另行繕單並圖進

呈

御覽爲此謹

奏乾隆二十九年十月初一日奉
旨知道了記著再走預備此路欽此

山東巡撫臣崔應階謹

奏爲奏明事恭照明春

鑾輅南巡經臨東省臣率同司道敬謹籌辦東省

風土簡樸臣又賦性愚拙諸凡料理恐未合

宜因上屆差務臣隨同前撫臣阿爾泰勦理

一切俱有成規臣當勉力照辦茲查嚮導奏

定營尖道路東省境內自德州至郟城計陸

路八百二里分爲十三站內

行宮四處大營九座尖營二十二座

回鑾經由運河自嶧縣至德州計水路一千一百五十六里分爲十四站除常家口水營歸江省沛縣承辦外東省共水營十三座又

皇太后自德州至袁樓水營一座以上各處水陸營

尖橋梁道路緯道馬頭乘此天氣晴和民間種麥早竣現俱次第儻辦臣往來查勘已有就緒內如楊家莊大營地勢窪下建設大營未甚妥協查費縣之萬松山舊有預備房屋原係尖營臣卽就預備房添建數椽擬備

座落較楊家莊稍有山水之勝但萬松山距上站東京堡大營止十里距下站橋頭大營尚有臣一百四里敬擬勻擗適均請自泉林至永安莊尖營改爲大營計五十三里自永安莊至萬松山計五十八里自萬松山至孟家泉尖營應改爲大營計八十三里自孟家泉至鄉子花園計七十八里仍屬適均其中尖營亦酌量遠近擗勻一二處又如禹城縣之陳家莊大營泰安縣之魏家莊大營此二處土性

鬆浮風起多灰臣因陳家莊大營稍南有晏

子祠魏家莊大營左近有四賢祠該處地勢

平坦已俱加築圍牆一道以避灰土牆內建

有房屋數間皆不過就其隙地粗備數椽瓦

房稍供

宸憇並不敢建造

行宮所費工料無多上屆蒙

聖恩賞給帑銀二萬兩儘足敷用並無絲毫出自

臣民前撫臣阿爾泰在東時原已商酌建蓋

臣思於此二處粗備房屋則東省十三站中

大營與

座落依次相間

行幄只須一分此外如恩泉靈巖泉林鄰子花園

四處臣凜遵二月十四日

諭旨不敢稍增繁費卽裱飾修理等項亦酌量完

好整潔者皆仍其舊以期仰慰

聖慈臣謹分繪

起鑾

南巡盛典 卷九十一
回鑾營尖道路二圖備加貼說並另開道里清摺
進

呈

御覽再德州運河西岸因奏明新挑引河一道
聖駕到德如循行舊路則相隔重河今恭擬往南
里許繞過引河由運河浮橋進恩泉
行宮似更穩妥合并陳明伏乞

皇上睿鑒謹

奏乾隆二十九年十月初十日奉

硃批知道了屢有不必修建之旨而汝竟已措辦
所謂成事不說耳欽此

兩江總督臣尹繼善謹

奏為奏請

聖鑒事恭照明春

皇上南巡各處營尖道里業經嚮導統領處奏准

通行在案茲准兵部咨有嚮導將次往山東

江南一路踏看道路之語臣查江省順河集

以南道路營盤上屆已蒙

鑾輅經臨其順河集以北水路營盤亦經嚮導處

奏定遵照乾隆二十七年

皇太后回鑾安設之處辦理是江南境內營尖道路
俱係照舊並無更易之處臣現在分委專員
妥協預備責成各道府督率俟辦齊後臣復
親往巡查可否無庸嚮導再行踏看臣謹

奏伏祈

聖主訓示遵行謹

奏乾隆二十九年十一月十五日奉

硃批知道了欽此

兩江總督

臣

尹繼善謹

奏爲遵

旨奏覆事恭照明春

聖駕南巡各處水陸營尖道里經嚮導統領處繪

圖粘簽具奏

皇上回鑾由水路至韓莊閘水馬頭起早往徐州

閱視河工仍從舊路回韓莊上船等因奉

旨知道了自萬年倉馬頭大營前往徐州似屬便

捷著尹繼善回任之便看明具奏欽此臣查自

萬年倉馬頭大營前往徐州較之至韓莊大營起早赴徐可省自萬年倉至韓莊一站水路誠如

聖諭原屬便捷臣回南路經徐州卽親往查看自萬年倉大營至徐州雲龍山計路九十九里五分內江南境內道路俱屬平坦易於辦理其自山東萬年倉起至江南銅山交界一帶道路窄狹村房紆繞地勢高低不平支河山溝甚多且係淤土一遇陰雨泥濘難行臣復

飭行道府通身細看將作何設法填墊詳細熟籌茲據該道府稟覆該處道路全係淤土卽帮墊新路一遇陰雨甚屬難行况以尋常里數計算卽在百里以外一日程途亦覺太遠臣再三斟酌恭請

聖駕仍由韓莊大營起早往徐州計程八十里道路平坦似覺妥便臣謹繕摺恭奏仰祈

睿鑒謹

奏乾隆二十九年十一月十五日奉

南巡盛典 卷九十一

硃批知道了欽此

奏事乾隆二十九年十二月二十六日接准內閣抄出乾隆二十九年十二月二十日奉
上諭昨據尹繼善等奏稱丹陽一帶河道淺窄若
浙省官員俱前赴鎮江接駕誠恐船隻過多未
免擁擠除錢陳羣聽其遠接外其餘督撫司道
等官俱令於蘇州迎接等語蘇州河道亦不甚
大 閩浙總督 蘇昌浙江巡撫 熊學鵬謹
奏為欽遵 叩 奏

諭旨恭摺覆 奏事乾隆二十九年十二月二十六日接准內閣抄出乾隆二十九年十二月二十日奉
上諭昨據尹繼善等奏稱丹陽一帶河道淺窄若
浙省官員俱前赴鎮江接駕誠恐船隻過多未
免擁擠除錢陳羣聽其遠接外其餘督撫司道
等官俱令於蘇州迎接等語蘇州河道亦不甚

寬濶若浙省應行接駕官員俱前赴蘇州則船較多仍恐未免擁擠浙省除將軍總督巡撫准其赴蘇迎接然亦不得遠越蘇郡其餘各官俱於本省嘉興交界處所祇候檄不必出境將此傳諭蘇昌等知之欽此欽遵抄寄到

臣臣等伏

皇上翠華南幸萬姓歡欣在

臣

蘇昌自二十八年

春在京叩覲

天顏迄今已將二載私心依戀莫可名言今恭逢

聖主巡幸江浙問俗省方

臣

身任封疆急思趨赴

行在恭請

聖安且調任閩浙未久地方一切事務應需調劑之處甚多更冀得早依

黼座跪聆

聖訓稍識遵循在

臣

熊學鵬自乾隆二十六年三

月內蒙

恩補放廣西巡撫

陛辭以後二十七年十月內調任浙江迄今數載

俱在外任犬馬戀

主之忱急圖得覲

天顏早聆

聖訓以稍遂微末寸心卽浙省地方官以及在籍紳士人等無不共切瞻

天仰

聖祇迎恐後惟是丹陽一帶河道淺窄蘇州河道亦不甚寬濶若前往船隻衆多實未免於壅

擠茲臣蘇昌臣熊學鵬與將軍臣福祿共約

輕裝減從於常州蘇州交界處所跪迎

聖駕遵

旨不敢過於遠越其副都統臣富德臣舒景阿學

政臣錢維城及提鎮司道以下文武各官俱

於嘉興交界處所祇候並曉諭在浙紳士人等除錢陳羣聽其遠接外其餘槩不許越出

浙境以仰副

聖天子肅清河道之至意臣等謹會同恭摺覆奏謹

奏乾隆三十年二月初八日奉

硃批是知道了欽此

閩浙總督臣蘇昌浙江巡撫臣熊學鵬謹

奏恭照

聖駕於次日入浙江境所有自王江涇至海寧由
海寧至省城程站圖說理合繕摺進

呈謹

奏乾隆三十年閏二月初三日奉

旨知道了欽此

嚮導統領處咨開本處奏爲欽遵

上諭事查南斗圩等處現奉

諭旨於

回鑾時安設營盤今查自蘇州府

行宮至南斗圩馬頭

大營六十里南斗圩馬頭至嘉興府北教場馬
頭

大營六十八里嘉興府北教場馬頭至石門鎮
馬頭

大營七十一里爲此謹

奏俟

命下之日交地方官預備等因具

奏於乾隆三十年閏二月十六日奉

旨是不必求精著簡約辦理欽此

同鑒部安... 旨欽

上諭事查南卡... 欽奉

... 欽此

